

Wien, Österreichische Nationalbibliothek (ÖNB), Cod. 876

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

2129

ASCETICI.

2130

tit ore. Habet praeterea paullo post: quanto efficacius impetramus, ubi contextus nostrum impetrabimus suadet.

VI. fol. 117. p. 2. *Incipit liber de mortalitate.* Initium: *Et si apud plurimos uestrum fratres dilectissimi mens solida est &c.* Lectio Editis consona. Post principium pro perpetua securitas col. 461. Codex habet leticia.

VII. fol. 125. *Incipit liber de opere et elemosinis.* Initium: *Multa et magna fratres karissimi beneficia diuina &c.* Pro plenius consulatur, Noster habet: plenius consilium detur, et mox: pro dampnatione conclusi, ubi Edita col. 476. legunt *præscriptione*.

VIII. fol. 135. *Incipit liber de bono pacientie.* Initium: *De patientia locuturus fratres dilectissimi et utilitates eius &c.* In ingressu edit. col. 491. evidenter cum Nostro reponendum: *Nam si patiens ille est pro sapiens.*

IX. fol. 143. *Incipit liber de zelo et liuore.* Initium: *Zelare quod bonum uideas et inuidere melioribus &c.* Nullum ab Editis memorabile discrimin.

X. fol. 148. p. 2. *Incipit liber aduersus Demetrianum.* Initium: *Oblatram te et aduersus deum qui unus et uerus est &c.* Lectio ut plurimum Editis congruit. Illa tamen: *nec sic uerna de temperie sua leta sunt, quam col. 433.* Editores respuunt et legunt: *nec sic vernante temperie sata leta sunt, defendi, imo præferri potest ex eo, quod mox in contextu autumna eodem gene-*

re, numero et casu posita sequantur. Atque haec speciminis ergo ad commendandum Codicem.

XI. fol. 158. *Incipit cena Cypriani.* Initium: *Quidam Rex nomine Jobel nuptias faciebat in regione orientis &c.* Scriptum istud, Labbeo parum sobrii capitis operosissimum commentum, Oudino stultum lectuque indignum, Tillemontio Turca dignius quam Christiano, procul amandandum a Cypriani Operibus iis adhuc adhaeret in Edit. Pamelii Antwerpiae 1568. T. III. p. 604. non tamen absque *tus* Nodieras indice.

DLX.

Codex membraneus lat. Sec. 745
XIV. Folior. 143. 8. probe scriptus, rubricisque ornatus hoc miniato est titulo: *Incipit liber de miseria humanae conditionis editus a lotario dyacono. qui postea Innocentius papa III est appellatus magnus.* Praeit Dicatio ita inscripta et exordiens: *Domino. Patri. Carissimo. P. (Petro Galloiae) Portuensi episcopo. Lotharius indignus dyaconus. gratian in presenti. et gloriam in futuro. Modicum otii quod inter multas angustias &c.* Initium L. I. Quare de vulva matris egressus sum &c. Confer, quae de hoc Tractatu III. *Libris seu Partibus constante, ejusque primis Editionibus dixi ad Cod. CCXLVI. Tertiam, quae recens mihi innotuit, indicavi in Suppl. Maitair. P. II. p. 606. n. 5304. Exemplum præsens*

Wien, Österreichische Nationalbibliothek (ÖNB), Cod. 876

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

2131

C O D I C E S

2132

praefens in Dedicatione recte legit dignitatem humane nature prouilitatem; finit vero, ut Editio, quam ibi Schoepflinianam adpellavi, et addit: *Explicit liber de Misericordia humanae conditionis.* Ad tergum fol. ult. alia manus Praixin quandam superstitionis adlevit, quae nunc maximam partem extrita est, studiose, ut videtur.

II. fol. 26. sequitur Συνταγμα sacrarum Dictionum in Festa Domini et SS. per anni circulum, insertis etiam Dominicis a Septuagesima ad Pascha. Praeit Epistolium has Dictiones expetentium in hunc modum: *Cum proxime in nostro Conuentu resideres. et uerbum iuxta datam tibi sapientiam faceres. omnibus qui aderant est uisum non te set angelum dei per te fuisse locutum. Vnde etiam plurimi de fratribus de uerbis tuis compundi. multum iam proficiunt in timore domini. Quamobrem rogamus te &c. Respondet Autor: Peritissimi Pictores Ambrosius et Augustinus. Jeronimus et Gregorius. et alii quam plurimi mira celatura et uaria pictura egregie ornauerunt domum domini &c. Et postquam reuerendos fratres appellasset, prosequitur: nouam depinxi tabellam. ut quibus non uacat immensitati illorum egregii operis considerando diutius insisterem. eos non pigeat saltim in festis diebus huius tabelle aliquam formam perspicere. Huius tabelle sit nomen speculum ecclesie. &c. Enigitur Speculum Ecclesiae aliud ab eo, quod Hugo a S. Caro Card.*

de Missae Officio composuit. Praefixo porro brevi Monito, quas Preces sacer Orator Sermoni praemittere debeat, Sermon primus est in Natiuitate domini nostri ihesu christi, hoc initio: *Letentur Celi Et Exultet Terra &c. Merito iubentur bodie celi letari &c.* Ultimus vero abruptus Commemorationi Defunctorum destinatus videtur; est enim in illud: *In memoria eterna erit iustus &c. et inchoat: Cuncta que fiunt in hac terra oblivionis obliuiscuntur &c.* Autor, qui rhythmum Gregorii M. perpetuo affectat, et multus est in referendis historiolis, fol. 72. p. 2. Sermonem ita orditur: *Exultandum nobis est dilectissimi in sollempnitate Sanctissimi patris nostri Benedicti &c. quin igitur inter Benedictinos censendus?* Suspiciari quis possit, latere hic Bartholomeum Abb. Cluniensem a. 1230. e viuis sublatum, cuius Sermones extare in Bibl. R. Parisina Cod. 4295. Titulo: *Speculum Claustralium ex dictis Sanctorum Patrum Gregorii, Augustini, Ambrosii, Hieronymi, Origenis et aliorum ait Oudinus T. III. col. 45.* et ex eo Ziegelbauerus in Hist. Rei Lit. O. S. B. P. IV. p. 159. Sed nempe ibi Sermones etiam de Tempore adsunt, quos Codex noster ignorat. Pronuntiabit, cui Codices inter se contendere integrum fuerit.

III. fol. ult. Narratio fabulosa de Paulo Apostolo et Michael Archangelo infernum invisenibus, manu paullo recentiore exarata,

Wien, Österreichische Nationalbibliothek (ÖNB), Cod. 876

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

2133

ASCETICI

2134

exarata, cuius initium: *Interrogandum est quis primus rogauerit deum ut anime habeant requiem in penis inferni &c.* Pauli *Avalartianov* edifferitur in *Fabricii Cod. Apocr. N. T. P. I.* p. 943. Memoratur tamen ibi etiam *Revelatio nostra*, quam *Karaëtarimov* dicas, e *Cod. Coll. Merton. Oxoni*ii, quamvis Codex ille *Inferno* substituat *Purgatorium*.

DLXI.

²⁹⁴ Codex chartaceus lat. Sec. XV. Folior. 289. f. partim lineis longis, partim per 2. columnas exaratus, olimque *Monasterij Sancte Marie alias Scotorum wyenne*, complectitur sequentia. I. *Incipit liber de abundancia exemplorum Magistri Alberti Episcopi Ratisponen. ad omnem materiam.* Initium: *Quoniam plus exempla quam uerba mouent secundum Gregorium &c.* Finis: *quod non valde timeat omnis homo.* Editus est Libellus hic Sec. jam XV. f. l. et a. sed, ut videatur, *Ulmae* per *Job. Zeiner* circa 1480. f. hoc eodem Titulo, quo tamen illum neque in *Opp. omnib. Alberti* Lugd. 1651. T. XXI. f. in quibus plane desideratur, neque in *Scriptt. O. P.* repertus. At vero *Trithemius* alio illum Titulo n. 466. repreäsentat, scilicet de *Multiplici Timore*, quo etiam a *Quetifo* et *Echardo* T. I. p. 181. citatur, quin tamen eum tractasse videantur. Summe itaque rarum esse oportet. Repetitur ad calcem

Denis Codd. Theol. V. I. P. II.

Cod. nostri Titulus superior, additurque scriptionis annus 1434.

II. fol. 65. p. 2. *Decreta Concilii Basileensis lata Sess. XXI.* de Cultu divino in Ecclesia et Choro. Prout leguntur in *Collect. Labb. edit. Venet. T. XVII.* col. 317. *Decr. VIII. pro: Misericordia — per secretas orationes ita submissa voce dicitur, quod a circumstantibus audiri non potest, recte habetur: praeter secretas orationes &c.* In fine subditur: *Datum Basilee in sessione publica die iouis mensis iunij Anno 1435. idus scilicet 5 ante festum pentec.*

III. fol. 68. *Brevis Tractatio de triplici Indignitate accedendi ad Sacramentum Altaris orta vel a natura, vel a gravi peccato, vel a censuris ecclesiasticis.* Initium: *De perceptione venerabilis sacramenti dicit apostolus priore ad Cor. XI°. Qui manducat indigne &c.* Finis: *ut in ca° eos de sententia excommunicationis preallegato libro 6°.*

IV. fol. 73. *De vicio proprietatis religiosorum*, vel, ut ex calce praeoccupo: *Excerptum ex tractatu magistri ac fratris binrici de Coesueldia ordinis Carthusianorum contra proprietates religiosorum. Westphalus* hic, Priorque *S. Mariæ* prope *Montem S. Gertrudis* in *Hollandia*, defunctus 1410. multa reliquit inedita, quae habes in *Trithemio*, in *Petreji Bibl. Carth.* p. 127. et *Bibl. Belg. Foppenii* T. I. p. 438. inter quae et Opus nostrum.

N n n

V.